



REPUBLIKA E SHQIPËRISË
GJYKATA E LARTË
ANËTAR I GJYKATËS SË LARTË

Nr. 1241/ Prot.

Tiranë më, 29/03/2017

Lënda: Kthim përgjigje

Drejtuar: Z. Igli TOTOZANI,
Avokati i Popullit

Bulevardi: "Zhan D'Ark" Nr.2

TIRANË

I nderuar z. Totozani,

Në vijim njoftimit të bërë nga ana juaj, lidhur me datën e zhvillimit të mbledhjes së Komisionit të Pavarur "Ad hoc" për verifikimin dhe vlerësimin paraprak të kandidatëve për anëtarë të Këshillit të Lartë Gjyqësor dhe Këshillit të Lartë të Prokurorisë nga Avokatia, ju bëj me dije si më poshtë vijon.

Sikundër ju kemi parashtruar edhe në shkresën e mëparshme, për shkaqe ligjore, pengesës për shkak të konfliktit të interesit, nuk jam anëtar i legjitimuar për t'u njoftuar dhe marrë pjesë në mbledhjet e Komisionit *ad hoc*, pasi nuk kam mund të jem në cilësinë e Kryetarit të Këshillit të Emërimeve në Drejtësi.

Përcaktimi ligjor i parashikuar në pikën "4" të nenit 30 të ligjit nr. 115/2016, "Për organet e qeverisjes së sistemit të drejtësisë", përcakton shprehimisht se kur i përjashtuar, i dorëhequr ose që **mungon** është Kryetari i Këshillit të Emërimeve në Drejtësi, ai zëvendësohet nga **Zëvendëskryetari i Këshillit të Emërimeve në Drejtësi**.

Kryetarja e Këshillit të Përkohshëm të Emërimeve në Drejtësi, ka dhënë dorëheqjen dhe referuar përcaktimeve të sakta ligjore të parashikuara në nenin 30, pika "4" dhe në nenin 227, si dhe atyre të parashikuara në nenin 226 të ligjit nr. 115/2016, "Për organet e qeverisjes së sistemit të

drejtësisë”, në rastin e *mungesës apo pamundësisë së Kryetarit*, tagri për të ushtruar detyrën e anëtarit të Komisionit *Ad hoc*, i përket zëvendëskryetari i Këshillit të Përkohshëm të Emërimeve në Drejtësi, si anëtar i më i vjetër në moshë që vjen nga radhët e Gjykatës Kushtetuese.

Në këto rrethana, nisur nga përcaktimi ligjor që parashikon neni 30, pika “4” e ligjit nr. 115/2016, “*Për organet e qeverisjes së sistemit të drejtësisë*”; është e parashikuar qartësisht se nuk është anëtar i zëvendësues si subjekt njoftimi, kompetent për të marrë pjesë në mbledhjet që ju keni njoftuar, pasi ky tagër është në kompetencën e Zëvendëskryetarit të Këshillit të Emërimeve në Drejtësi. Sipas ligjit, se detyra e anëtarit zëvendësues që unë ushtroj, është vetëm një funksion ‘përgjashtimor’, i cili rast pas rasti legjitimon zëvendësimin e detyrës së anëtarit parësor që zëvendësohet.

Në këto kushte, zëvendësimi në Komisionin *Ad hoc*, bëhet nga anëtar i parësor që është njëherazi edhe zëvendëskryetari i Këshillit të Emërimeve në Drejtësi dhe jo nga anëtar i zëvendësues i anëtarit parësor të Këshillit të Emërimeve në Drejtësi. Zëvendëskryetari i Këshillit të Emërimeve në Drejtësi, në bazë të nenit 227, pika “1” është anëtar i zgjedhur sipas nenit 220, pika “1” shkronja “a” nga radhët e gjyqtarëve të Gjykatës Kushtetuese dhe jo të Gjykatës së Lartë.

Sikundër mund të jeni në dijeni, unë kam paraqitur shprehjen e interesit për kandidat si anëtar në Këshillin e Lartë Gjyqësor, të cilën e kam depozituar në Kuvend. Në këto kushte, vlerësoj se jam në një konflikt të mundshëm interesi për pjesëmarrjen në procedurat për verifikimin e plotësisht të kushteve të kandidaturave të tjera për anëtar në Këshillin e Lartë Gjyqësor. Prandaj, në bazë të nenit 222, ndodhem përpara detyrimit ligjor që më pengon të marr pjesë në komisionet e pavarura *Ad hoc* përkatëse.

Për sa më sipër, kërkoj nga ana juaj që njoftimet lidhur me pjesëmarrjen në komisionin *ad hoc* t’ia dërgoni anëtarit të Këshillit të Emërimeve në Drejtësi Zëvendëskryetari i Këshillit të Përkohshëm të Emërimeve në Drejtësi, i cili në mungesë ose pamundësi të Kryetarit të zgjedhur, ligjërisht ushtron dhe përfaqëson të gjitha funksionet (kompetencat) e Kryetarit të Këshillit të Emërimeve në Drejtësi, si organi që ka në kompetencën për të marrë pjesë në komisionet e pavarura *Ad hoc*, përkatëse të thirrura nga ana juaj.

Duke shpresuar në mirëkuptimin tuaj,

ANËTARI I GJYKATËS SË LARTË

ARTAN ZENELI